

**PRAVILA NAGRADNE IGRE
„OSVJEŽI JESEN UZ SARAJEVSKI KISELJAK I BINGO“**

Član 1 – Naziv i sjedište Organizatora Nagradne igre

Sukladno Zakonu o igrama na sreću (Sl. novine Federacije BiH, broj 48/15 i 60/15) i Pravilniku o sadržaju pravila, uslovima i načinu priređivanja nagradnih igara (Sl. novine Federacije BiH, broj 30/16) Organizator nagradne igre „OSVJEŽI JESEN UZ SARAJEVSKI KISELJAK I BINGO“ je Sarajevski kiseljak d.o.o. Kiseljak, (u daljem tekstu: Organizator), Kraljice mira 7, 71 250 Kiseljak, ID broj: 4236097460009, PDV broj: 236097460009.

Član 2 – Svrha Nagradne igre

Nagradna igra se priređuje u svrhu promidžbe brendova SARAJEVSKI KISELJAK u saradnji sa lancem maloprodajnih trgovina Bingo d.o.o. Tuzla.

Član 3 - Trajanje i mjesto odvijanja Nagradne igre

Nagradna igra se provodi od 15.10.2025. do 15.11.2025 godine, a odvija se na teritoriji Federacije BiH.

Član 4 – Pravo sudjelovanja u Nagradnoj igri

Pravo na sudjelovanje u nagradnoj igri imaju svi državljani BiH sa stalnim prebivalištem u istoj sa obavljenom kupovinom na teritoriji FBiH, a koji prihvataju Pravila nagradne igre. U nagradnoj igri ne mogu sudjelovati uposlenici Organizatora i članovi njihovih užih porodica, kao ni uposlenici Bingo d.o.o. i članovi njihovih užih porodica, ukoliko žive u zajedničkom domaćinstvu.

Član 5 – Uslovi za sudjelovanje u Nagradnoj igri

U nagradnoj igri mogu sudjelovati sva fizička lica koja za vrijeme trajanja nagradne igre ostvare kupovinu bilo koje dvije boce brenda Sarajevskog kiseljaka navedenog u Članu 2., te broj fiskalnog računa i lične podatke unesu na web stranicu osvoji.sarajevski-kiseljak.com. Lični podaci uključuju: ime i prezime, adresu prebivališta, broj telefona/mobitela i e-mail adresu. Potrebno je sačuvati fiskalni račun kao dokaz o obavljenoj kupovini.

Važeći fiskalni račun s kojim se može sudjelovati je samo onaj koji je izdat u periodu trajanja nagradne igre i koji je izdat za kupovine ostvarene u Bingo d.o.o. trgovinama.

Svaki sudionik može sudjelovati u nagradnoj igri neograničen broj puta s različitim brojevima računa. Svaki sudionik može osvojiti samo jednu nagradu u okviru ove nagradne igre.

Upisom svojih ličnih podataka i unosom broja važećeg fiskalnog računa na web stranicu osvoji.sarajevski-kiseljak.com, učesnik stiče pravo na učešće u predmetnoj nagradnoj igri i njegovi lični podaci sudjelovat će u nagradnom izvlačenju koje će se održati dana 20.11.2025. godine. u 13:00h.

Sretni dobitnici će biti obaviješteni od strane Organizatora o nagradi koja im pripada. Preuzimanje nagrada će biti moguće uz predočavanje dobitnog fiskalnog računa izdanog od strane Bingo d.o.o. trgovina.

Član 6 – Nagradni fond

Nagradni fond se sastoji od:

NAGRADNI FOND			
Nagrada	Količina	jedinična cijena bez PDV-a	UKUPNO sa PDV-om (KM)
Iphone 16 128GB	2	1.426,50KM	3.338,00KM
Apple Watch SE 20224	2	469,23KM	1.098,00KM
Električni romobil R10	2	649,00KM	1.518,66KM
Slušalice JBL 520T	10	72,65KM	850,00KM
Vikend u planinskom resortu, jedno noćenje za dvije osobe, rok iskoristivosti do 15.3.2026. (vaučer ne važi u periodu od 28.12.2025.-05.01.2026.) – Hotel Monti	2	222,22KM	520,00KM
Sport Vision Gift Card - može se iskoristiti u Sport Vision, Sport reality, BUZZ, Nike shop, SV Outlets, i na 3 online shopa, rok iskoristivosti 5 godina od dana aktivacije	5	170,94KM	1.000KM
Bingo poklon bon za kupovinu	10	170,94KM	2.000KM
UKUPNO:			10.324,66KM

** Organizator ne preuzima bilo koji oblik odgovornosti, niti otklanja bilo kakvu vrstu odštete zbog sudjelovanja u Nagradnoj igri, niti za korištenje osvojene nagrade, nakon preuzimanja iste od strane dobitnika.*

Poklon bon za kupovinu u Bingo d.o.o. trgovinama se može iskoristiti isključivo u Bingo d.o.o. trgovinama.

Sudionici u nagradnoj igri nemaju pravo zahtijevati drugačije nagrade ili nagrade u većim količinama od onih predviđenih ovim Pravilima. Nagrada se ne može zamijeniti za gotovinu, drugu nagradu, robu ili uslugu.

Član 7 – Objava pravila Nagradne igre

Pravila nagradne igre će biti objavljena u dnevnim listovima koji izlaze na području održavanja Nagradne igre i to najmanje sedam dana prije početka nagradne igre.

Pravila će također biti objavljena na web stranicama osvoji.sarajevski-kiseljak.com i www.bingobih.ba.

Član 8 – Izvlačenje dobitnika

Izvlačenje finalnih dobitnika održati će se dana 20.11.2025. u 13:00h u kompaniji Sarajevski kiseljak d.o.o. , Kraljice Mira 7, 71 250 Kiseljak, Bosna i Hercegovina.

Dobitnici će biti izvučeni pomoću nasumičnog softverskog izvlačenja. Izvlačenje finalnih dobitnika nadzirat će tročlana komisija. Komisija će provjeriti da li je dobitnik sudjelovao u nagradnoj igri sukladno ovim pravilima. U slučaju da se njegova prijava proglasi nevažećom, nagrada će biti dodijeljena izvučenom zamjenskom dobitniku koji ima pravo na nagradu. Nagrade će se preuzimati u dogovoru sa dobitnikom, lično preuzimanje ili putem pošte.

Odluka Komisije za izvlačenje je konačna i obavezujuća i neće biti dozvoljena daljnja korespondencija. Prijave koje ne budu odgovarale propisanim pravilima smatrat će se nevažećim. Pri svakom izvlačenju pored dobitnika, izvlačiti će se i po dva zamjenska dobitnika za svaku nagradu.

Tokom izvlačenja dobitnika nagrade Komisija će sačiniti zapisnik. Zapisnik će sadržavati:

- a) Mjesto, vrijeme i način izvlačenja dobitnika
- b) Datum i naziv medija u kojem su pravila nagradne igre objavljena
- c) Imena i prezimena članova komisije
- d) Imena, prezimena i kontakt podatke dobitnika
- e) Naziv i vrijednost nagrade pojedinog dobitnika
- f) Broj i datum odobrenja Ministarstva.

Za izvučene prijave koje ne budu ispunjavale uslove neće se javno objavljivati učesnik nagradne igre, a isti će biti posebno pohranjen i posebno evidentiran.

Svaki učesnik čija prijava ispunjava uslove iz ovih Pravila i i bude izvučena, stiče pravo na jednu nagradu, uz ograničenja iz člana 5. stav 3.

Član 9 – Objava imena dobitnika i preuzimanje nagrada

Svi sretni dobitnici nagrada će biti kontaktirani od strane Organizatora putem kontakt podataka učesnika koji su stavljeni na uvid Organizatoru u smislu odredbe člana 5. ovih Pravila.

Nagrada će biti uručena samo ako dobitnik ima pravo da učestvuje i ako u potpunosti prihvata ova Pravila. Ako izvučeni dobitnik nema pravo učešća u skladu sa Pravilima ili ga Organizator ne uspije kontaktirati u roku od 8 dana od dana izvlačenja jer je naveo pogrešne podatke, nagradu osvaja zamjenski dobitnik.

Organizator će spisak dobitnika objaviti u roku od 7 dana od dana izvlačenja na web stranicama osvoji.sarajevski-kiseljak.com i www.bingobih.ba.

Organizator je dužan najkasnije u roku od 8 dana od dana izvlačenja, obavijestiti dobitnike o osvojenim nagradama.

Sretni dobitnici dužni su preuzeti nagradu najkasnije u roku od 30 dana od dana prijema obavijesti o osvojenoj nagradi. Ako dobitnik u roku od 30 dana ne preuzme osvojenu nagradu ili izjavi da je izgubio fiskalni račun koji služi kao dokaz o obavljenoj kupovini i uslov za preuzimanje nagrade, gubi pravo na nagradu, a Organizator je dužan postupiti na način propisan člankom 11 Pravilnika o sadržaju pravila, uslovima i načinu priređivanja nagradnih igara.

Sretni dobitnici će blagovremeno biti obaviješteni o načinu preuzimanja pripadajućih nagrada.

Organizator ne snosi putne troškove, troškove preuzimanja nagrada, kao ni dodatne troškove koji nisu nabrojani u tabeli, a realizaciju poklon vaučera za noćenje u Hotelu Monti je odgovoran dobitnik. Sve obveze Organizatora prema dobitniku nagrade prestaju trenutkom preuzimanja nagrade od strane dobitnika, osim vikenda u hotelu Monti.

Član 10 – Obaveze i suglasnost dobitnika

Sudjelovanjem u ovoj Nagradnoj igri učesnici u cjelosti prihvataju gore navedena pravila.

Sretni dobitnici nemaju pravo prenositi niti ustupiti nagradu na trećim licima prije nego se izvrši njihovo uručenje dobitniku.

Dobitnici svih nagrada nemaju pravo tražiti zamjenu nagrade za neku drugu vrstu nagrade, a naročito ne isplatu novčane protuvrijednosti osvojene nagrade, ili nekog njenog dijela.

Porez na dohodak obračunati će se u skladu sa Zakonom o porezu na dohodak.

Dobitnici nagrada pružit će sve informacije i dokumente potrebne kako bi se mogla primijeniti Pravila i ostali odgovarajući zakoni, a organizator preuzima odgovornost da pravovremeno i tačno informiše učesnika u nagradnoj igri o njegovim pravima i obavezama kod preuzimanja nagrada. Odgovornost organizatora nagradne igre ne prestaje u slučaju kada je dobitniku uručena nagrada koja predstavlja uslugu, a realizaciju iste vrši drugo lice.

Ako je dobitnik nagrade maloljetna osoba ili osoba ograničenih sposobnosti, podobna je da primi nagradu samo uz odobrenje roditelja ili zakonskog staratelja. U tom slučaju roditelj ili zakonski staratelj mora predložiti ličnu kartu uz rodni list ili rješenje o imenovanju za staratelja, te potpisati izjavu o prihvatanju nagrade u ime i za račun maloljetnog lica / lica s ograničenom ili oduzetom poslovnom sposobnošću.

Učešćem u nagradnoj igri, učesnik pristaje da bude kontaktiran od strane Organizatora u cilju informisanja i dogovaranja oko preuzimanja nagrade.

Učesnici nagradne igre izričito su suglasni da Priređivač nagradne igre može koristiti njihove osobne podatke, sukladno o zakonu o zaštiti ličnih podataka, koje učesnici posreduju u okviru učešća u nagradnoj igri, za potrebe ove nagradne igre.

Učešćem u nagradnoj igri, učesnik pristaje da, u slučaju osvajanja neke od nagrada, njegovo ime i prezime, koje će saopštiti i dokumentirati Organizatoru, kao i fotografija sa uručjenja nagrade budu objavljeni na web stranici <https://osvoji.sarajevski-kiseljak.com/>, te u ostalim printanim i/ili elektronskim medijima po odluci Organizatora.

Dobitnik nagrade je dužan dati sve potrebne informacije, kontakt osobi Organizatora nagradne igre.

Učesnici mogu biti pozvani da učestvuju u javnim događajima. Učesnici i pobjednici u nagradnoj igri prihvataju uvjet da imena pobjednika, mogu biti korištena i objavljivana od strane Organizatora i njegovih pridruženih agencija i partnera koji direktno učestvuju u nagradnoj igri.

Učesnik može sudjelovati sa neograničenim brojem prijava, odnosno neograničenim brojem fiskalnih računa, pod uslovom da odgovaraju propisanim pravilima, ali može biti dobitnik samo jedne nagrade.

Priređivač ne preuzima nikakvu odgovornost za:

- bilo koje posljedice koje bi učesnik mogao da pretrpi zbog učešća u nagradnoj igri ili nagradnom izvlačenju,
- bilo koje posljedice prilikom korištenja nagrada, a nakon preuzimanja osvojene nagrade.

Član 11 – Prava Organizatora

Sve dobitne prijave će biti provjerene prema diskrecionom pravu Organizatora i biti će poništene i odbačene ukoliko nisu dostavljene odobrenim propisanim putem.

Organizator neće odgovarati za prijave koje su zakasnile ili prijave koje ne ispunjavaju uslove Nagradne igre iz Člana 5.

Organizator neće uzeti u razmatranje eventualne prijave nakon gore navedenog roka.

Član 12 – Mogućnost otkazivanja nagradne igre

Pravila nagradne igre ne mogu se mijenjati nakon što je nagradna igra počela, osim ukoliko za to postoje opravdani razlozi ili zbog nastupanja okolnosti više sile.

U slučaju prekida ili otkazivanja nagradne igre usljed nastupanja vanrednih okolnosti, organizator će o navedenom obavijestiti Federalno ministarstvo finansija.

Federalno ministarstvo finansija daje saglasnost na izmjenu pravila igre, prekid i otkazivanje nagradne igre, ukoliko su razlozi zbog kojih se traži dokazani od strane Organizatora ili opštepoznati, a Organizator će učesnike o navedenom obavijestiti na isti način na koji su objavljena ranije odobrena pravila nagradne igre.

Ukoliko nagradni fond nakon završetka nagradne igre ne bude podjeljen učesnicima na način predviđen Pravilima ove nagradne igre (usljed isteka roka za podizanje nagrada, nepostojanje dovoljnog broja učesnika i sl.) ili zbog eventualnog prekida odnosno otkazivanja igre usljed dejstva okolnosti koje imaju karakter više sile, organizator će nagradni fond prodati, a sredstva ostvarena prodajom uplatiti ravnomjerno na račune humanitarnih organizacija navedenih u članu 17. stav (1) Zakona o igrama na sreću.

Član 13 – Nadležnost suda

Sve žalbe, prigovore i reklamacije rješava Organizator nagradne igre. U slučaju opravdanih pritužbi, organizator se obavezuje da će ih otkloniti u najkraćem mogućem roku i obavijestiti učesnika.

U slučaju spora, nadležan je Općinski sud u Travniku.

Sa pravilima nagradne igre saglasno je Federalno ministarstvo finansija Bosne i Hercegovine, prema Rješenju broj: UP-05-12-1-998/25 Sarajevo, 22.09.2025. godine

Datum: 11.09.2025.
Broj protokola: 779/25

Sarajevski kiseljak d.o.o.

Direktor
Stipe Bevanda